

¡BOMBA!

Esta situación enerva,
y que no se menosprecie;
muy mal perder especie,
en un área de reserva



K'untzil

Jueves 29 de enero de 2026

CAMPECHE · YUCATÁN · QUINTANA ROO · AÑO 11 · NÚMERO 2653 · www.lajornadamaya.mx

México, ich lu'umo'ob tu'ux maas ya'abach elektrooniko nu'ukulo'ob ku pu'ulul: UNAM



Oochel UNAM

U noj lu'umil Méxicoe' jump'éeel ti' le lajunp'éeel lu'umo'ob tu'ux maas jach ku yantal téeknooloojikóo báasuraa, tumen lalaj ja'abe' ku jóok'ol kex 62 miyoonesil tóoneladasí, beey a'alab tumen Observatorio Internacional sobre residuos electrónicos u k'úubetmajil beetbil u mola'ayil Instituto de las Naciones Unidas para Formación Profesional e Investigaciones, yéetel Fundación Carmignac beyxan Unión Internacional de Telecomunicaciones.

Ichil ba'ax a'alab te'el xaak'al meyajo', u noj lu'umil Chinae' leti'e' tu'ux maas jach táaj ya'ab ku jóok'oli'. Tu paache' ti' yaan Estados Unidos yéetel Indiai'. Ts'o'okole, chéen u 22.3 por siientoil ti' le báasura beyo' béeychaj u ka' k'a'abéetkuns'al je'ex unaje', lela' u

k'áat u ya'ale', u promedyooile', ti' lajunp'éeel nu'ukulo'obe', chéen ka'ap'éeel uts úuchik u ka' meyaj, ka'alikil u yalabilo', ku ts'o'okol tu'ux ma' unaji', je'el bix ich lu'um wa ich ja'.

Beey túuno', yóok'olal "báasura" beyo', u noj najil xook Universidad Nacional Autónoma de México (UNAM) yaan u beetik bejla'a' 29 yéetel saamal 30e', u meyajil Mega Recicladrón, tu kúuchil estaadyóo Olímpico Universitario.

Jka'ansaj Heberto Ferreira, ti' u noj najil xook Instituto de Investigaciones en Ecosistemas y Sustentabilidad tu kaampusil Moreliae', tu ya'alaj le beyka'aj ba'alo'ob ku p'a'atal chéen beyo' jach séeba'an úuchik u bin u ya'abtal, tumen tu óoli' jo'otéen piitmáan ti' le beyka'aj suuk u yantal ka'acho'.

"Kéen oksa'ak ti' ja' nu'ukulo'ob beyo', ku káajal u k'astal, ts'o'oke' je'el tak u k'askúuntiko'ob le ja'o'", tu ya'alaj.

Ba'ale' lelo', tu ya'alaj, ku yúuchul tumen maas jach ya'ab ba'alo'ob ku ko'onol walkila', ts'o'oke' unaj u kaláanta'al ba'ax je'el u beeta'al ti'al u yáanta'al yóok'ol kaab.

Yaan ba'axo'ob k'askúuntik lu'um, je'el bix meetales pesaado'ob, ts'o'oke' tu noj lu'umil Méxicoe', yaan u beelo'ob ja' k'askúunta'al tumen le metalo'obo', yéetel lelo' ku beetik k'aas xan ti' u toj óolal wiinik.

Tu ya'alaje', wa yaan jump'éeel nu'ukul ku k'astale', chéen u yoksa'al ti' jump'éeel chan kaaja tu'ux ka ts'íibta'ak éelektroonikóo báasura, ti'al beyo' u yoksa'al kaableob, disko duuro'ob, memooryaob, chipo'ob, ichil uláak' ba'alo'ob.